



UNIVERSITÄTS-  
BIBLIOTHEK  
PADERBORN

## **Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

15. De frigidis & maleficiatis, & impotentia coeundi

---

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

*Resp. 3.* Non semper incestuosus, seu copulans consanguineam uxoris suæ privatur petendi debitum. 1. Si ignoravit esse consanguineam, vel scivit quidem, nescivit tamen, esse primo & secundo gradu, quia cum tunc non commiserit incestum, nec pœnam incurrere dicitur. 2. Juxta *Tambur. Bonac. Sporer. Pichler.* excusatur à privatione petendi debitum, qui quidem à se cognitam esse uxoris suæ consanguineam, ignoravit tamen, hanc privationem jure annexam huic debito; quia quatenus impedimentum affinitatis respectu uxoris propriæ privativum juris quæsitum, & consequenter pœna ab ignorante non incurritur. 3. Si per se etiam conjux fuit cognita, vel per metum uxoris à consanguineo mariti; quia Lex Ecclesiastica per quam hæc pœna inducta, non videtur ad peccanti imposita.

## TITULUS XV.

De Frigidis, & Maleficiatis, & impotentia coeundi.

**Q.** 1. *Impotentia quid sit & quatuorplex?* Impotentia propriè talis, quæ sit impedimentum dirimens, est inhabilitas ad copulam carnalem perfectam: est vel *naturalis*, dum provenit ex defectu ipsius naturæ, & quasi congenita est homini; vel *accidentalis*, dum provenit à causa aliquâ extrinsecâ & accidentariâ, v. g. morbo.

maleficio, castratione. Utraque vel est *absoluta* respectu omnium, vel *respectiva* respectu unius. Si impotentia sine peccato, aut sine gravi periculo mortis, citra miraculum per media ordinaria & licita, eaque naturalia vel spiritualia tolli potest, *temporalis* dicitur; sin secus, *perpetua*.

Q. 2. *An & qualis impotentia dirimat matrimonium?* Resp. 1. Impotentia perpetua & absoluta si præcedat matrimonium, dirimit illud jure naturæ, siue fuerit à contrahentibus cognita, siue ignorata; non tamen superveniens matrimonio etiam rato tantum, illud dirimit. *c. 1. h. t.* Ratio primi; quia est de essentia matrimonii, ut conjuges fieri possint una caro; quod fieri nequit, dum absolutè & perpetuò inepti sunt ad copulam. Ratio secundi; quia matrimonium etiam ratum dissolvi nequit, nisi per Professionem vel dispensationem S. Pontificis.

Resp. 2. Impotentia respectiva perpetua est impedimentum dirimens matrimonii contrahendi cum ea persona, respectu cujus est, non autem cum aliis; quia respectu illius quidem personæ impossibilis est actus conjugalis, non respectu aliarum.

Resp. 3. Si temporalis tantum impotentia sit, quæ per media licita & ordinaria, siue spiritualia siue naturalia tolli potest, non dirimitur matrimonium subsequens, cum tales non sint absolutè impotentes ad actum conjugalem.

Q. 3. *Quinam in specie sint impotentes, ut matrimonium contrahere non possint, & qui non?*

E 4

Resp.

*Resp. 1.* Invalidè contrahunt matrimonium *dones sive eunuchi* utroque testiculo orbati, ut claravit propriâ Bullâ Sixtus V. anno 1587, quod si tamen talis impotentia effundendi verum semen, quæ est impotentia ad generandum per se, superveniret matrimonio, non impediret generationem & redditionem debiti, cum id per accidens contingat: Si impotentia coeundi superveniret, nullo modo foret licitum, uti copula

*Resp. 2.* Non sunt impotentes, sed possunt contrahere matrimonium *steriles*, idque valde licitè. Ratio; quia possunt habere veram naturam, de se ad generationem prolis sufficientem. Deinde *senes* in quacunque ætate, modo Mediorum & arte juvari possunt ad copulam habet usus & praxis Ecclesiæ. 3. *Infirmi* in articulo mortis constituti, licet enim tales debent virium impediantur, retinent tamen potentiam coeundi, quæ vi morbi non præsumitur extincta. 4. *Hermaphroditi* secundum sexum prævalet: &c.

*Q. 4. An conjuges in casu impotentia possunt separare, & an ad hoc requiratur auctoritas iudicis? Resp. 1.* Si impotentia antecesserit, & perpetua, & conjugibus (qui putantur tales sunt) certa, non tamen publicè notoria, possunt quidem cohabitare ut frater & soror seculo in articulo incontinentiæ, tactuum &c. quod periculum rarissimè abest; non tamen tenentur separari, possunt quocunque velint tempore separari.

petere. *c. 5. 6. fin. h. t.* quia matrimonium est nul-  
lum, non itaque obligatorium.

*Resp. 2.* Ad separationem faciendam requiritur  
authoritas iudicis & probatio legitima pro foro  
externo. *c. 3. de divortiiis.* ne orientur scandala,  
fraudes, collusiones conjugum. Ne incautos &  
vitiosè curiosos scandalizemus, omittimus reli-  
qua ab aliis hìc solita tractari.

## TITULUS XVI.

De matrimonio contracto contra inter-  
dictum Ecclesiæ.

**Q. 1.** *Quanam sint impedimenta matrimonii  
impedientia tantum?* *Resp.* Enumerata  
ea sunt *in tit. 1. §. 3.* & sunt sublatis reliquis ista  
4. *Tempus feriatum, interdictum Ecclesiæ, sponsa-  
lia de futuro, nondum soluta;* de quibus *in tit. 1.*  
*Votum* scil. simplex castitatis perpetuæ, ingredien-  
di Religionem, suscipiendi sacros Ordines, vel  
matrimonii nunquam ineundi: quæ vota, quia è  
diametro repugnant statui matrimoniali, ponunt  
impedimentum impediens, non tamen dirimens,  
ut dictum *tit. 6.*

**Q. 2.** *Quod impedimentum importet tempus  
feriatum?* *Resp.* Tempus feriatum vel feriarum  
jure novo *Trid. sess. 24. de matrim. c. 10.* est ab  
Adventu Domini usque ad Epiphaniam, & à fe-  
ria

E §                      ria